

Шочмо эл, порылык да чын верч!

Будь готов!

29-ше (3573) №,
2022 ий 22 июль,
кугарня.

Ямде лий



1933 ий 1 февраль годсек лектеш.

0+

Поян кенезжын сийже



Кенезж идалык мучко пукша, маныт. Теве нине тўрыснек келшат. Пакчасаскам ончен-кушташ полшат, саскам, емыжым погат. Сабина ден Давид Тимофеевмыт кенезж каникулыштым Волжский районысо Ярамарий ялыште эртарат. Коча-ковалан киярыш, помидорыш, шере пурысыш вўдым шаваш полшат, йыраглаште шўкшудым сомылат. Лынг шочшо пакчасаскам поген налашат жап шуын. А Шернур район Меке почингга гыч Инесса ден Никита Ямбаршевмытлан шочмо пўртўс лонгаште лияш келша. Нуно снеге ден олымкўрым кугу ведраш погенит. Ынде тамле саска тельымат шере пушыж дене кенезжым шарныкташ тўнгалеш.

Е.ИВАНОВА.

ПОДПИСКЕ

«Ямде лий» газетлан кажне тылзын 15 числа марте верласе связь отделенийште, podpiska.pochta.ru сайтыште возалташ лиеш.

Индекс –П4696.

Рекламе.

Фото-влакым еш архивла гыч налме.

Немда энгер мучко



Фотом интернет гыч налме.

Йоча да самырык-влаклан «Роза ветров» рүдере «Юный турист» клубыш коштшо да Йошкар-Ола воктенысе Семёновка школын юнармеецше-шамыч 8-13 июльшто Немда энгерым катамаран дене ийын каеныт (**снимкыште**). Географийым туныктышо Г.М.Тимошев нунылан вершөр нерген каласкален.

– Катамаран дене ийме годым үдыр-рвезе-влак шуко

оңай верым ужыныт. Ме нунным «Чумбылат» легенде дене палдаренна. Курыкнерыште моторын войзалтынна. Вүд-шунгалтышыште йүжтылынна. Кастене, тулото йыр шинчын, шижмашина нерген каласкаленна. Шуко кечаи поход – йоча-шамыч коклаште келшымым пекгыдемдаш пеш сай йөн, – оила Геннадий Матвеевич.

Х.АЛЕКСАНДРОВА ямдылен.

Историйым шергалына

1240 ий 23 июльшто Чева энгер воктене кредалмаште князь Александр Ярославичын вуйлатыме руш войскашвед-влакым кырен шалатен. Тылеч варакнязым Чевский манап тўналыныт.

Школ пакчаште

Кенежым паша кече мучкылан сита. Ме школышто түрлө пакчасаскам ончен кушташ полшена. Йыраг-лаште шүкшудым сомылена, пушкыдемдена, вүдым ша-вена. Кушкыл-влак лөза

кушкыт, пуйто мыланна тауштат. Калыкыште тыге ойлалт: «Кенежым пашам лап возын ыштет – телым канет». Тиде ой моткоч чын.

Юля ЯГОДАРОВА.

Советский, Кельмаксола.

Поян арня



Фотом еш архив гыч налме.

Марий самырык тукым слётшы Шернур район гыч кумытын миенна: Екатерина Мамаева, Диана Волкова да мый. Ме лекцийым колыштынна, спорт модмашке ушненна, квестым эртенна, йүк дене пашам ыштенна... Проект пашалан кугу тўткыш ойыралтын. Ме «Шернур районьшто – самырык-влаклан рүдер» проектым темленна (**снимкыште**). Тудым илышыш шынғдараш понена. Икманаш, арня түрлө мероприятийлан поян лийын.

Дмитрий ВЕДЕНЬКИН.

1-ше №-ан Шернур школ.

Российысе увер

«#ЯБерегу» всероссийский фотоконкурсш кажне кумылан ег ушнен кертеш. Экологий дене кылдалтше мотор фотом ыштен, **19 сентябрь марте** колтыман. Тўрыс уверым **яберегу.рф** сайтыште ончыман.

7-17 ияш үдыр-рвезе-влак, «Древняя Фанагория в искусстве – 2022» всероссийский усталык конкурсш ушныза. Тўрлө техникым кучылтын сўретлыза але ненчыза. Пашам **phan_activities@mail.ru** адрес дене электрон почтыш **15 август марте** колтыза.

11-13 июльшто физике дене школьник-влакын тўнямбал олимпиадышт эртаралтын. **Вадим Ерин, Олег Калашников** (Моско кундем), **Илья Гладышев, Даниил Рынкевич** (Моско) да **Максим Пермьяков** (Саранск) шўртнў медальым сеген налыныт.

Марий Элысе увер

Шернур посёлкысо рүдө книгагудын йоча пөлкаже «Лето, книга, я – друзья!» фотографий конкурсым эртара. Книга дене моторын войзалтман да фотом «ВКонтакте» соцкылысе «Сернур_БиблиоКарусель» тўшкаш **31 июль марте** верандыман.

Йошкар-Оласе «ЗУМ» киностудийын тунемшыже-влак «Диалог поколений» всероссийский медиапаша конкурсшко ушненыт. «Пиццу заказывали!» фильмышт дене сенышыш лектыныт. Уста үдыр-рвезе-влак «Бумеранг» всероссийский фестиваль-форумышко каяш ямдылалтыт.

Марий Элыште «Ший мут» всероссийский поэзий конкурсым увертареныт. «Ший» шомакым кучылтын, почеламутым возыза. Йодмашым да пашам **tagi-word@lenta.ru** адрес дене электрон почтыш **15 август марте** колтыза.



Бассейн озажым муын



Х.АЛЕКСАНДРОВА, 10-кыж.

Лотерей

Түг приз – бассейн – Шернур район Эгермучаш ял гыч З.Пекпулатован логалын.

Пагалыме лудшына-влак, 2022 ийын кокымшо пелийжылан «Ямде лий» газетлан почто, почталыон, интернет гоч чолган возалтында. Квитанцийым але тудын копияжым редакцийышке ятырын колтенда. Тендан коклаште лотерей модышым эртаренна. Сегыше-влакым ойыраш жап толын шуын. Пöлекше могай чапле улыт! Сурткöргыштö,

пакчаште кучылташ, модаш келшыше. Кö эн пиалан? Шокшо кенегж кечын бассейнште кө йуштылаш туналеш? Сегыше-влакым ойыраш мыланна Йошкар-Ола гыч Арина Александрова (снимкыште) полшен. **Наклейкан кугу раскраске да книга набор** – Т.Тойшева (Шернур, Кукнур Купсола). **Марий түран шүйсакыш** – З.Степанова (Морко, Шап Унчо). **Емыж-саскам погышо контейнер** – И.Алексеева (Морко посёлко). **Виса** – Т.Сергеева (Звенигово, Красногорский посёлко). **Лейке** – А.Игнатьева

Лотерейын учредительже – «Ший памаш» сылымут фондм вуйлатыше, серызе В.В.Краснов. Тудлан кугу таум ойлена!

(Волжский, Куэрсола). **Хлопушко** – М.Овечкин (Шернур, Кугу Торешкүвар). **Секатор** – Л.Якимова (У Торъял, Элеволко). **Кувшин** – Э.Лебедева (Кужэгер, Саламатнур). **Салатнице** – Л.Шарифуллина (Башкортостан, Нефтекамск ола). **Пазл** – Ю.Ягодарова (Советский, Кельмаксола). **Шынга деч эм** – Т.Николаева (Звенигово, Чакмарий). **Киндерке** – И.Шарабуева (Шернур, Куэрсола).

Пöлек-влакым 1 октябрь марте налын шуктыман.



Паша вахтыште

Пионер-влакын III всесоюзный слёттын обращенийже почеш Кужэгер районысо пионер организаций Ленинский паша вахтыш шогалын. 48 тонн верысе уяндышым, 54 тонн күртнө пудыргым погымо. Руш Шой, Йүледүр кыдалаш да Ломбэгер кандашаш школлаште Октябрын 50 ийже лүмеш садым шындыме. 730 тенгеаш книга шаренит.

А.ПЕТУХОВА.
1967 ий.

Кугу кол туняште

Ме «Родник» клубысо йолташ ден ача-ава-влак дене пырля Набережные Челны олесе дельфинарийышке миенна. Тушто онай деч онай представленийым ончыктеныт. Дельфин ден тегыз пырыс-влак чылт артистла койыныт. Мом гына ыштен огыт мошто?! Эсогыл шке самынышт муралтен колтат. Нуно мемнам пуш дене шупшын коштыктеныт. Изи «спектакль» деч вара дельфин-влакым ниялтен онченна (снимкыште). Кумылан удыр-рвезе-шамыч кугу кол умбак возын ийын коштыныт.

2-шо №-ан Морко школ.

Алина СУББОТИНА.



Фотом еш архив гыч налме.

Кушкылым шымлена

Мыланем самырык эколог-влакын «Экология без границ» тунямбал слётышкышт логалаш пиал шыргыжылын. Тушко Россий да Беларусь Республик гыч 14-17 ияш шымле самырык удыр-рвезе погыненна. Ме кумдан палыме шанчызе-влак дене вашлийына, экскурсийлаш коштына, түрлө модышышто уш-акылнам тергена. Лабораторийлаште кушкылшамыч нерген пален налаш пеш онай.

Глеб МИЧУКОВ.
Волжск олесе лицей.





Тиде толкынышко ўдыр 6-шо классыште тунеммыж годым ушнен. Кок ий утла жапыште ятыр поро да суапле паша ышталтын. Йоча-влак школ воктене, Кугу Ачамланде сарыште вуйым пыштыше-влаклан Шўдысола ялыште шогалтыме шарныктыш йыр арулыкым эскереныт. Туныктышо, ава, илалше ег-влаклан, Сенымаш кечылан плеклалтше концертым ончыктеныт. «Шарнымаш сорта», «Шарнена, пагалена» да моло акцияшке ушненыт. Катян


Толкын ўшаным пуа

Школьник-влакын россиясе толкыныштын эртарыме тўрлў мероприятийыште мариј шўлышан чолга ўдыр-рвезе-влакым ужаш поснак куанле. Нунын кокла гыч иктыже – Советский район Кельмаксола школын 8-ше классшым тунем пытарыше Екатерина Мочалова (снимкыште).

мураш, кушташ кумылан улмыжо усталык конкурслаште сенгыше радамыш лекташ полша. «Сенгымашын йўкшў» районысо конкурсышто йолташ ўдыржў Мадина Шарифова дене 2-шо верыш лектыныт. Активист семын РДШ-н эртарыме слётлашкат чолган ушна.

– РДШ – ўшаным пуышшо толкын. Тудо йоча жапнам оңайын да пайдалын эртараш, вес школла гыч ўдыр-рвезе-влак дене палыме лияш йўным ышта. Тылеч посна ме школысо «Кече» ушемыште виякына. Тудын девизше: «Кече гае волгалташ, эре порым веле

Фотом еш. архив гыч налме.



Изи ОШКЫЛ – кугу сенгымаш



шараш». Вуйлатыше Рая Николаевна Рассоловалан кугу тау, – оила Катя.

Х.АЛЕКСАНДРОВА.

Волонтёр лияш – пиал

Мый волонтёр улам. «МАМАФЕСТ» фестивалыш шукерте огыл ушненам. Ме «Бумеранг добра» флешмобышто куштенна. Еш-влаклан «За любовь и верность» медальым кучыктымо годым польшкаленна. Тыгодым кугешнымаш кумыл ылыжын. Шуко шочшан, ятыр ий пырля илыше еш-шамычын пиалыштлан пырля куаненам.

Висвис пеледышла койшо торт чыланыштым ўрыктарен. Тудым Гиннесын рекорд книгашкыже пуртымо. Тутло тортым кажне толшо тамлен ончен кертын. Волонтёр лияш – пиал. Мый ег-влаклан ончыкыжымат полшаш да куаным кондаш тўналам.

Наталья ИСМАКОВА.

Йошкар-Ола,

29-ше №-ан школ.

Сенгымаш

«Большая перемена» всероссийский конкурсын финалже 5-7-ше классла коклаште эртаралтын. Йошкар-Оласе Бауман лицейын тунемшыже-влак **Марк Брыляков, Екатерина Жирова**, 14-ше номеран гимназий гыч **Полина Уртминцева**, Советский район Ронго школын тунемшыже **Татьяна Король** сенгышыш лектыныт. Нунылан «Артек» тўнямбал йоча рўдериш каяш пиал шыргыжалын.

Яндар энгер сер



Ме, Звенигово лицейын тунемшыже ден туныктышыже-влак (снимкыште), «Вода России» всероссийский акцияшке ушнена. Кидышке парняшан пижым чиен, мешакым кучен, Юл энгер серыште шўкым погенна. Пашам ыштыме годым йоча-влак дене пўртўсым аралыме шотышто кутыренна. Нунылан кенеж кечын пўртўс лонгаште пырля лияш моткоч келшен. Мариј энгер серыште тек эре яндар лиеш.

А.ПАВЛОВА.

Фотом лицейын архивше гыч налме.



Марий йоча - шӧртнӧ падыраш

Пытартыш жапыште яллаште марий ача-аван икшывыш-тат рушла кутыраш тӱнгалыныт. Садлан марла пелештыше йоча кызытсе илышыште южгунам шӧртнӧ падырашла чучеш. Тыгай марий шӱлышан самырык еш Параньга район Усола ялыште ила. Палыме лийза – тиде Харитоновмыт (снимкыште). Ава Татьяна Эдуардовна ялысе кевытыште пашам ышта. Пелашыже Сергей Александрович Москошко коштеш. Вате-марий кок икшывым ончен куштат.

Кок польшкалыше

Ксения – аван эн кугу польшкалышыже. Татьяна Эдуардовна паша гыч толмешкыже, пӧрткӧргым эрыкта, кочкаш шолтен ямдыла. Кенжежим пакчаште шӱкшудым сомыла, вӱдым шава. Чолга ӱдыр Параньга посёлкысо школын 8-ше классшым тунем пытарен. Тудым чыла гаяк мероприятий ден конкурслаште ужаш лиеш. Спорт ориентирований дене пенгыде кылым куча. «Лӱдыкшыдымылык школ» мер толкынын эртарыме тагасымашке чолган ушна. «Российский Азимут» всероссийский соревнованийыште икмын-яр гана ончылно лийын. Турслӱтышкат миен. 42 медальже ден кок кубокшо уло. Ятыр гана сенымашке шумылан Усола школ директор М.А.Богдановлан кугу таум ойла.

Тыршымыже арам лийын огыл. Тений Ксениялан «Артек» тӱнямбал йоча рӱдеришке миен толаш пиал шыргыжалын.

– *Мый «Наследники Великой Победы» сменяште лийынам. Тушто пӱртӱсшӧ могай сӧрал! Шем теткыз, Аю-Даг курык, Адалары отро чоным вӱчкенят.*

Кажне кече мероприятийлан поян лийын. Тагасы-машлаште вийнам тергенна. Мый комбинированный турист маршрутшышто 2-шо верым сенен налынам.



«Еш – тиде эн кугу эфтертыш. Кызыт илыш куштылго огыл, садлан икте-весым умылен моштыман. Тыгодым илыш дене тӧр ошкылман, чыла вере шукташ тыршыман, ончыко ӱшанлын ончыман», – ойла ава.

«Артек кыште» лийме жап ӱмыр мучкылан ушешем ко-

деш, – ойла ӱдыр.

Ксения тылеч посна «Шымавуч» йоча ансамбльыште мура. Ӱдыр-влак дене пырля тӱрлӧ конкурсышто мастарлыкштым ончыктат да сенгышыш лектыт. Кызыт гитар дене шке гыч шокташ тунемеш.

Настя шӱжарже акаж гаяк чолга лияш тырша. Тудо Усола школын 4-ше классшым тунем пытарен. Сӱретлаш кумылан. Чонжылан пӱртӱс поснак лишыл. Сӱретше дене школысо да районысо конкурслашке ушна. Спортлан шӱман. Ке-



неж каникулышто жапым пайдалын эртарат. Йолташыже-влак дене футбол, баскетбол да моло вес модышла дене модыт. Акаж ден аважлан сурт сомылкам ышташ полша.

Пӱртӱс лонгаште канат

Суртозан Моско гыч пӧртылмыжым чылан вучат. Толмекыже, корнышко тарванат. Харитоновмытлан Кужӧнер кундемысе «Кӱ курык» пӱртӱс заказникыште, «Марий Швейцарий» каныме базыште пеш келшен. Еш дене колым кучаш йӧратат. Кажныжын энырвараже уло. Тыгак Йошкар-Оласе, Озагысе тӱрлӧ сылне верым ончен коштыт. Тӱнжӧ –

еш дене жапым пырля пайдалын эртарат.

Марий шӱлыш – вӱрыштышт


– *Йоча-влак дене изинек марла кутырена. Марий Элыште илена гын, марий йылмым сайын палышаш улына манын шонена. Тора кундемышке каена гынат, урем дене ошкылмо годым марла возылде мутланена. Марий концертлашке кошташ тыриена. Марий улмына дене моткоч кугешнена, – ойлат вате-марий.*

Х.АЛЕКСАНДРОВА.

Россий Федерацийысе цифровой виангмаш, связь да массовый коммуникаций министерствын окса польшыж дене лӱкмо.



«Пайдале кенез» урок



Кўшыл категориян тунуктышо, Россия Президентын грант-шым кок гана налше, Россия Федераций общий образованийын почётан пашаенже, Йошкар-Оласе 21-ше номеран Семёновка школышто кугы-

жаныш марий йылме урокым вўдышө **О.Н.ВАСЕНИНА** ямдылен.



1 Кок сўретым тўткын ончалза. Тыланда кенезым кушто канаш келша? Тидын нерген изирак сочинийым серыза.



2 Глагол-влакым чын формыш шынден возыза.

ед.ч.

- 1 л. Мый колым кучен моштем.
- 2 л. Тый колым кучен ...
- 3 л. Тудо колым кучен ...

мн.ч.

- 1 л. Ме колым кучен ...
- 2 л. Те колым кучен ...
- 3 л. Нуно колым кучен ...



4 Шомакым чын ойырен, ойлончо-влакым возыза.

Мый ялыште каникулым (сай, сайын) эртарем. Лагерыште йоча-влак жапым (пайдале, пайдалын) эртарат. Тунемше-влак школ пакчашке (мотор, моторын) пеледышым шынденыт. Пóртна ончылно висвис (сылне, сылнын) пеледеш. Кенез канаш годым (онай, онайын) книгаг лудам.

– «Шап» йоча лагерын икымше сменяшкыже канаш каяш путёвкым пуэныт. Медицине справкым налаш каем.

- ...
- Тушто сай мо?
- ...
- Йўштылаш да кечыште капым кўкташ жап лийын?
- ...
- Весканат тушко каяш кумылет уло?
- ...



5 Ойлончылаште йонгылышым муза.

- 1) Кажне айдемылан шочмо верже шерге огыл.
- 2) Республикнан рўдолаже – Козьмодемьянск.
- 3) Марий Элыште чодыра пеш шагал.
- 5) Республик гоч йоген эртыше эн кужу эгер – Юл.
- 6) Яльчик, Кичиер, Шап эгер-влак воктене каныме вер-влак улыт.



3 Буква-влакым радамлен, кайык-влакын лўмыштым палыза.

Уозс, тшише, ркыдў, ритйу, ошр, гонкречо, озум, укук, пышкўш, равасимк, ыршкыч, ракок, акси, умант.



8 Калык пале-влакым кусарыза. Икмынярымшке гыч ешарен возыза.

1. Солнце печёт сильно – к вечеру жди дождя. _____

2. Коли ветер дует с запада, жди дождя. _____

3. Деревья зашумели – к дождю. _____

4. Собака валяется на песке – к дождю. _____

5. Коли одолевает сон, к ненастью. _____



9 Мужырым муза.

«Ямде лий»
«Марий йылме»
«Кече-Солнышко»
«Ото»
«Элнет»
«Мичун уке ачажат»

почеламут
журнал
газет
тунемме книга
йоча книга
сылнымут произведений



6 «Марий кундемысе кол-влак» теме дене кроссвордым ямдылыза.

Чумбылат лийнем

Авамлан эре полшем,
Шүкым сомылем, тыршем.
Вүдымат шавем коклан,
Тек кушкеш саска мемнан.

Лейкым күшкө нөлталам –
Чылт кира коклан мылам.
Патыр Чумбылат лийнем,
Калыкем аралынем.

**Костя ШЕХУРДИН.
Шернур, Кукнур Купсола.**



– Тыйын куд
вишнет уло.
Эше нылы-
тым пуэм.

Чылаже мыняр лиеш? –
йодеш ача.

– Ом пале.

– Школьшто тунуктен
огытым мо?

– Уке-е-е. Ме олма дене
шотлена, – вашешта
Миклай.

Ковайлан – полыш

Мый кенеж
к а н ы ш е м ы м
пеш сайын эр-
тарем. Июнь тў-
налтыште Ко-
раксола клуб
пеленысе «Ке-
че» сводный от-
рядыште кане-
нам. Кызыт ту-
н ы к т ы ш е м
Е.В.Григорьева
дене пырля
«Ковайлан –
полыш!» проек-
тым илышыш
шындрена. Илалше ен-
влаккан тўрлө
полышым пуэна. Со-
ня ден Тоня ковай-
влак дене лияш
йоратена, Санок
кочай деке
ошкыл колтена.
Нунын пеледыш-
ышт пеш чот шу-
ко, вүдым
шавена (снимкы-
ште). Кажне ку-
гарнян «Морко
мланде» газе-
тым нумалына.
Ковайна-влак
мыланна таум
ойлат.



Морко, Шўргыял.

Надежда СЕРГЕЕВА.

Каныме вер

Ковам пакчаште
гамакым
ыштен. Ынде,
ялыш мийыме-
ке, олмапу
коклаште кайык
мурым колыш-
тын кием. Ко-
вамат пашам
ыштен нойы-
меке каналташ
возеш. Мы-
йын шоныма-
ште, гамак
пеш кўлешан.
Ковамлан
могыр-

жым канда-
раш сай, мы-
ланем – онай
лўнгалтыш.
Ынде Йошкар-
Оласе Изи
Какшан серыш-
тат гамакыш-
те канаш лиеш.
Те паленда?

Артём ИВАНОВ.

**Йошкар-Ола,
24-ше №-ан школ.**

22 июль –
Гамакын
кечыже.

Тўшто-влак

Тылзе гай йыргешке мече
Огеш тўрштыл нимыняр.
Тўсшө – чыл-
так чевер кече.
Тамле нўшмы-
жө мыняр?!



Шийым шындем –
шўртньö пеледеш.

Мастар кид

Йоча-влак, сад-пакчаш-
кыда у тўсым пуртыне-
да? Нине сўрет-влакым
ончен, трайым ача-авада
дене пырля ыштыза.



Палаш онай

→ Тўняш-
те 5 тўжем
наре тўрлө трай уло. Йош-
карге, шеме, нарынче ли-
йыт. Тыгак ошо, канде, саре
тўсанат вашлиялтыт.

→ Чонештымыж
годым
шулдыржо дене ик секун-
дышто 85 гана пералта. 120
менгым каныде чонештен
кертеш.

→ Трай-влак сад-пакчазын
полышкалышыже улыт.
Нуно лышташ тийым
(тля) кочкыт.



«Ямде лий» газет
Тўн редактор олмеш
Х.Г.АЛЕКСАНДРОВА
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаккан)
Сайтын адресше: yamdelii.ru

УЧРЕДИТЕЛЬ-ВЛАК: Мари-
рий Эл Республикысе
культура, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже реги-
стрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шоныма-
шышт тўрлө лийын кертят. Серыш-
влак мөнгеш огыт колталт.
Ак – кутырен келшыне почеш.

Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пöрт.
Тел. 8(8362) 45-22-82(факс)



Йўлам арале -
тўвырам
пойдаре

СУНГУРОВМЫТ еш.

Параньга, Усола.



Агния ПЕТУХОВА.
Советский,
Шуарсола.



Максим СОКОЛОВ.
Йошкар-Ола.


6 ойыртемым муза.



Фигур-шамычым пунктир линей-влак
почеш сўретлыза.



Кажне радамаште могай кушкыл уто
да молан? Умылтарыза.



Математике кроссворд

Mathematics crossword puzzle grid with numbers and symbols:

$2 - \square = 2$
 $5 + \square = 9$
 $4 + \square = 9$
 $3 + \square = 6$
 $\square - 7 = \square$
 $9 - \square = \square$
 $9 - \square = 3$
 $5 + \square = 8$

Задаче
Шоньмо числа
130 деч
5 пачаш
кугу. Могай числам
шоньмо?

8

Ятыр сълнымут мастарын шоялўмжõ уло.
Йоча-влак, руш серызе-влакын псевдонимыштым палыза.

Ефим Придворов	Максим Горький
Алексей Пешков	Фет
Афанасий Шеншин	Полевой
Борис Кампов	Демьян Бедный
Аркадий Голиков	Гайдар

В.СМИРНОВ ямдылен.